

Mondstuk van die Suid-Afrikaanse aartappelbedryf • Mouthpiece of the South African potato industry

CHIPS

VOL 36 NO 2 • MARCH / APRIL 2022

**LIMPOPO-KULTIVARPROEF
ONDER BESPROEING
OP DENDRON IN 2021**

**Kultivarprestasie op
varsproduktemarkte**

**DIE AARTAPPELBLAARMYNER:
BEHEEROPSIES
TEEN DIE PAPIES**

**A diversified approach
for greater liquidity**

**#PassThePotato:
Giving back is good business**

OVS-werkgroep spog met nuwe Aartappelboer van die Jaar tydens Groentoer

Deur dr Fienie Niederwieser, Aartappels SA

Vroeg in Februarie vanjaar het die Oos-Vrystaatse (OVS) Aartappelwerkgroep 'n interessante aartappel-dag in die vorm van 'n Groentoer aangebied. Die hoogtepunt van die dag was die aankondiging van die OVS Aartappelboer van die Jaar deur die voorsitter van die OVS-gebiedsbestuur, Nicolaas Lourens.

Manie Grové van HG Grové Aartappels van die plaas Bankies, is as die wenner aangewys. Hy sal later vanjaar in die Nasionale Aartappelboer van die Jaar-kompetisie meeding, wanneer die algehele wenner tydens die Aartappelkongres in September aangewys word.

Die dag het op die plaas Middelpunt van C Fick in die

Daniëlsrus-omgewing afgeskop, met die OVS-werkgroepvoorsitter, Nant Yzel, wat almal verwelkom het. Daarna is die proefpersele van verskeie kultivars besoek. Dié seisoen se droëlandkultivarproef het uit altesaam 17 kultivars van die vier deelnemende saadverskaffers, GWK, FPD, Wesgrow en die RSA-groep, bestaan.

Groep 'toer' deur proewe

Soos gebruiklik word opbrengs en ander resultate met oesdag bepaal en word dit daarna in *CHIPS* gepubliseer. 'n Interessante hommeltuigdemonstrasie is deur Anjali Boerderydienste uitgevoer, om aan produsente te wys hoe die apparaat gebruik kan word om landerye te bespuit.

Hierna het die groep na die Asearch Agri-Tech-proefperseel net



Manie Grové se gesin ontvang die OVS Aartappelboer van die Jaar-toekening namens hom van Nicolaas Lourens en Nant Yzel.



Die span verantwoordelik vir die uitvoer van produkproewe. Van links is Leante de Jager, Heinrich Odendaal, Dixon Odendaal, André Odendaal en Enrike Verster.

buite Bethlehem in die Kromkloof-kleinhouegebied vertrek, om na produk- en kunsmisproewe daar te kyk. Deelnemers aan die proewe, naamlik AECI Plant Health, FMC, Adama, Villa, MBFi, Syngenta, Real IPM en Bayer (produkproef), asook Atlas en Kynoch (kunsmisproef) het die geleentheid gekry om saam met die produsente en ander besoekers deur hul aanplantings te loop en die resultate te bespreek.

Hierdie droëlandproduk- en kunsmisproewe wat vir die OVS-werkgroep, in noue samewerking met Asearch Agri-Tech wetenskaplik uitgevoer word, verseker dat toedienings akkuraat en onafhanklik geskied. Omdat die proef op die Asearch Agri-Tech-perseel uitgevoer word, verseker dit ook kontrole oor die proefperseel.

Die produkproef beslaan 'n wye verskeidenheid van elf behandelings, wat produkte van chemiese gewasbeskerming tot biologiese produkte insluit. So ook bevat die kunsmisproef vier behandelings met 'n verskeidenheid van chemiese

sowel as meer biologiese benaderings.


Dié proewe word op dieselfde wyse geëvalueer as die kultivarproewe, maar bykomende siekte-assesserings word ook gedoen soos nodig. Die proewe is tans in hul tweede seisoen van drie, waarna die resultate in *CHIPS* gepubliseer sal word.



Produkproewe is ook tydens die Groentoe besoek.



Die toer is deur ongeveer 150 produsente en belanghebbendes bygewoon.

Die toer is deur ongeveer 150 persone, wat uit produsente en ander belanghebbendes bestaan het, bygewoon. 'n Gesellige middagete en algehele opgeruimde atmosfeer het op die dag geheers, nadat daar weens Covid-19-inperkings in 2020 laas so 'n byeenkoms was. 

Vir navrae, kontak
dr Fienie Niederwieser by
083 634 4848 of besoek
www.potatoes.co.za.



MARKIES SOUND HERTHA

"FPD markets potato cultivars with characteristics that are in very high demand. Our cultivars develop a chain of advantages for all involved – from the farmer producing the potato to the final consumer."

CONTACT US:

Theuns 082 775 1787 • **Morkel** 079 884 9341
admin@fpd.co.za • www.fpd.co.za

AGENTS OF:

